

傳通良宗見

玄義
四分

秋

淨土宗務所寄贈	明治 乙未年 乙未月	淨土宗大學圖書	受領第 149692 號	十 門 七 部 九 十 號
---------	------------------	---------	-----------------	---------------------------------



0931	貴	年
14	重	月
9	書	日
佛教大學藏書		
第	149692	号





觀經玄義分傳通記卷第四見聞末

第五定散料簡門事

本料簡定散等者問准上列章可云料簡定散二善

通別有異如何 答料簡定散言會通別有異義故略

不曲耳又但是自然具略也又各可有其意通別有異

者有限能請所請然當門不限能請所請亦爰十六定散

等故今標畧通別有異言上列意定散俱請錯其各重

當明本意在此立破故別標通別有異也▲本 一明

能請等者第一夕雙二重會自他意若約他義能請羣

提請定散二所請釋迦說定散二若約自義能請羣提

唯請定善所請釋迦答羣提請許說定善更觀散機自



開散善 問對能請言思惟正受可爲所請何佛世尊
爲所請耶 答羣提所請有人法二人謂如來法謂定
善若約法爲所請可失自開散善義故舉人爲自開散
善由發起羣提請唯定善更觀機自開三福曰○凡有
二錯等者初述他錯次此乃下述自義意簡他師義○
所請釋迦等者所請有許說自開二然今爲簡他定散
俱請義約本意云自開散善略許說定善云○因令識
知等者當門正意定散叟判也然定散法定可有能修
機之法不離故曰法顯機也故下問云今既教備不虛
何機得受此意也又私云玄義所破他師錯物有六重
一定散俱請二十六定善此二不依他經論付此經定

散錯故今於當門顯自義破他也三定散機聖人四念
佛等別時方便此二雖定散攝屬而依他論錯故於當
門但顯自義於第六門顯他也於當門顯自義者今能
爲所爲一雙二重是也至釋除非機云除此已下言顯
定散機凡夫下收十念等顯念佛順次必生五弥陀應
身六一乘種不生此二非此經定散又依他經論故於
第六門顯自義破他也若然五六一雙非因明欵○夫
人兼於等者能請云發起正致請發此經故於此經直
釋益故云當機夫人此經發起故名能請當機故名所
爲故二度墾之發起對歎響當機對結緣也○序分鑿
機等者問散善自闕非所請義何釋所請云自闕等哉

答羣提請定就此自開散故云鑿機自開况定依請散不依請此簡他師義也故亦可標散請自開也○此問也○此問定散等者就上能請起此問故以羣提定請至應言定散俱曰羣提請哉而任他解昧問至答正述自義也○徵彼文證者言徵責別者徵謂徵問起答義也責謂呵責毀惡事也○問若尔者問曰未審等言略具可云定善羣提致請散善佛自說云文在何哉故如是問也答意付次上答云未審等故知何文者請不請文也又下釋出在何文舉羣提請文知何文者請不請文也故讓上下也○讓上下等者上答云定善一門羣提致請等此云上下出文出羣提通別請此云下上

下文皆付請事也故今文言畧云定散二善出何文也若具可云定善致請對善自開文在何也▲本今既教備等者因定散教問機益相佛教全如所詮能所相應故云教備不虛必備機緣其益不虛故云教備不虛此經機者定散定機中有十三散機中有三福九品千差万別也欲顯此義徵問何機隨機根異行有緣法各成往生益得受義又欲顯具安心起行得生徵問何機得受此義定通定散衆機然答約經本意述念佛得受義不述餘行得受義例如流通念佛喻靈華畧餘行或廢定散付屬念佛云此良心中尚解又舉法益疑所被機答機定凡夫而簡他聖人往生

判念佛必生而簡他師念佛別時不生云

良心

問能為所為等者問意云四番問答結初二四重標後
可明第三雙何明第一雙副問答釋之哉答意定散是
所修行也付之明能修機故標次第不事况第三雙非
當文意故副餘事釋也○非是文要等者付定散說自
他立破為當門要第三一雙非立破故云非是文要也
○又機教前等者前義意若無機不可說法故先答機
也今義意問有二機第二近故先答隣次愬言之由機
說教由教成益機教前後各有理故問中先法答中先
機並不相違先答隣次問答法也○若言無佛等者撥
無三寶功能為謗法義大意由無世出世法造逆罪故

謗法即成逆罪根也 問佛法未渡前孔子筆弘五常

教今釋何偏立哉 答彼孔子等如來使故無其相違

清淨法行經云我遣三聖化彼震且迦葉菩薩彼云老

子儒童菩薩彼云孔子光淨菩薩彼云顏回也 問如

提婆雖信佛法貪瞋所逼造逆今釋何偏立哉 答論

造逆因可有二途或有撥無因果造逆如闍提類或有

雖信佛法貪瞋所逼造逆如提婆等今釋且約其一邊

耳又信有忍許樂欲分設有忍許若無樂欲不能出苦

故屬無信 唯知提婆有忍許分無樂欲而貪瞋所逼造

逆罪欽○若心自解等有因刀名心自解緣力名從他

受○邪見推盡等者推是見義故俱舍云推求推度故

名為見上已推度喻盡如華嚴云心如乃畫師上已○條緒者是多端義也○如闡提等者邪見義通淺深闡提限上邪見上邪見即闡提故即如字躰如也○法相異者言實三寶勝外道劣也然謂三寶劣外道云法相異也如此計拙如座陋人云云○非法相者心知三寶勝外道劣非相異云不翻歸戒善不失口說三寶不及外道云隨所出言犯重也此非為戲笑說不如偏為名利說不如故犯重如彼提婆知八支聖道勝為名利說彼聖道劣中邪見計三寶不及外道故是十重禁中第十誹謗三寶戒撰下邪見是四十八輕戒背大向小戒撰計未定名為未成見計決定可名計成准下戒相計成未

俱犯輕戒此非外道信三寶故不攝重中於佛法中背大向小故攝輕戒也又准上非法相異意謂大勝小劣而口說小勝大劣云計未成款○下自有等者四十八輕戒中第八也古迹名背小邪戒是也古迹云涅槃經云菩薩怖二乘道如惜命怖畏捨身棄大向小逆菩薩道比立十重禁指四十八輕戒云下也○此戒中者背大向小義輕戒中廣明云也○僻謬者坂下雖知法義不知機根輕說法義也又雖知他義是為立自義強非他義為僻謬義也○謗聲聞藏者藤輕戒中怖勝從劣戒攝彼戒中捨大學小誠也若不捨大者可學小彼戒也古迹引瑜伽云若說菩薩何用受持聲聞藏法是染

違通尚學外道况於佛語比○方等中等者大乘名也
理躡周遍平等故各為方等於大乘中所愛經為非佛
說也○既不頓違等者並結得失執大非小或大乘中
執一非一執故順經不失戒體非故犯輕云○心中不
背筆者計三賢無現世利生祈邪神等法事讚云信邪
事鬼餒神魔則此義也若為佛法外護或為利益眾生
祈誓權者可非犯戒云○奏章者鬼神等思有威力言
上我所用也○且欲斷等者直修大有煩惱墮行故先
依小道漸煩惱也是當漸次止觀機也○四思議僻謬
等者天台同時人云今人南三北七等上代師云三五
家言依南三北七義淺之義非罪智力不及非強撥故

諸義中今舉少之故云三五家復有下正述僻謬相雖
知法義不知機根輕解法義復知他解是為立自義強
非他義為僻謬義云香象梵網疏云割謗法意略由十
義一業道尤重無過此故二燒滅善根悉無餘故三背
恩德惡中極故四破壞信心滅法眼故五於善行中若
小若大志不成故六入於外道邪見網故七為大邪見
斷善根故八作諸衆生惡知識故九斷三寶種由此見
故十令自他成阿鼻業是故削之上論註上云經言五
逆罪人墮阿鼻大獄中具受一切重罪誹謗正法人墮
阿鼻地獄中此劫若盡復轉至他方阿鼻地獄中如是
展轉迺百千阿鼻大地獄佛不記得出時篤以誹謗正

法重罪故比○復有知他者他雖知正為立異義安立
非正義也○一深信等者有過去結緣故今世為當機
深信得脫也無過去緣者信淺故但結緣分無今得脫
未來可成深信當機初成大乘種子如豆等種子下地
云○又一闡提等者前義於佛法無信謗名無信今撥
無因果不信名無信是邪見也 問上釋謗法有闡提
義何重哉 答謗法廣通闡提人今無信狃限闡提也
但闡提下舉三闡提取第三為今所用也○大悲闡提
等者觀音等極位菩薩發度生願無成佛期是故且同
無性斷善永不成佛立闡提名非信不具欲盡一切衆
生然衆生不盡故終不斷元品無明無成佛期故與闡

提名也凡闡提菩薩成佛有無宗論也相宗二義一可
成佛雖意樂然功德圓滿故任運成佛如彼火燄二不
可成佛設雖功德圓滿誓願障可不斷佛果障故也云
○無性闡提攝者依相宗意佛性有二一理佛性不變
理性通情非情一切諸法二行佛性四智種子論諸衆
生無始法余五性各別也一無性有情謂有人天有漏
種無三乘無漏種二支定性聲聞謂有聲聞種無成佛
種三決定性緣覺謂有緣覺種無成佛種四不定性謂
具三乘種五定性菩薩但有成佛種子無凡夫二乘種
也今除不定之性菩薩餘三性衆不成佛名無性闡提
也瑜伽論云若有究竟般涅槃法者一分立為聲聞種

性一分立為獨覺種性一分立為菩薩種性無般涅槃者便闕三種菩薩性上已問不定相如何 答菩薩聲聞不定者設雖行大乘退為聲聞後迴心向大也餘不定可准知云云○斷善闡提筆者撥無因果時斷身中善斷者非失善軀押善用也○一曰力等者法介自起邪思惟名因力法行是利根人信邪師教起邪見名緣力信行是鈍根人也此利鈍似初果隨信行隨法行此二人俱起熹樂欲身中無善云斷無也非身中善實斷滅也緣力始見地獄苦相時方續善因力出獄時方續善問因力緣力名言有文證哉 答頌疏云若由過去宿習邪見以為因力彼斷善根將死時續善若由現在

邪教緣力彼斷善根將生時續善上已將死者地獄果盡云死也將生者初生地獄云生也○謂法行人等者俱舍頌云名信法行由根鈍利別上已釋云名隨信法行由根鈍利別者見道位中聖者有二一隨信行二隨法行由根鈍利立此二名若鈍根者名隨信行彼於先時隨信他言而行義故若利根者名隨法行彼於先時隨披閱契經等法隨行義故上已又利根名見行自惠見道理行故鈍根名愛行信他言愛行極鈍故此見愛二人住見道時各隨信隨法住修道時名信解見到也頌云名信解見到亦由鈍利別上已釋云名信解見到者此住果人若鈍根者名為信解若利根者名為見到前隨信

行今名信解謂由信解故勝解相顯名爲信解前隨法
行今名見到謂由向見得到果見故名見到此二聖者
信惠互增故標信解見到名別也此信解見到二人
住無學時名時解脫不時解脫也頌云前五信解生惣
名時解脫後不時解脫從前見到生^上釋云前五種性
從先學位信解性生此五惣名時解脫也以要待時方
能入定及心解脫言待時者時有六種一得好衣二得
好食三得好臥具四得好處五得好說法六得好同學
也後不動種性名不時解脫謂是利根以不得時能入
定及心解脫故從先學位見到性生^上○八難者懷興
大經疏云有說劇難有八惡趣有三即三惡趣也人間

有四一盲聾瘖瘂二世辨聰三佛前佛後四北俱盧劫
天上有一謂無想故此亦不然天上有一即違餘經說
非想爲第八難故○一切獄等者^{坂下}問地獄等八難
何非器哉 答俱舍論釋殖聲聞解脫分善根處云殖
在人三洲^上頌疏云殖解脫分唯人三劫三惡趣無^上
般若故諸天亦無^上厭苦故北劫無者無厭心及般若
故此文般若者惠也○四長壽天等者^{藤田}依群疑論
色無^氣天惣名長壽天難 問三界諸天皆來佛所有
信行何爲難處哉 答天處樂處故無佛出信行法劣
也故紛多分爲難處少分可有修行也
佛前後者前佛教滅後佛未出名佛前後縱雖滅後

此次解釈良心
畧釈先書彼抄

佛教流布時非難處楞伽經云或有乃為佛故此○
世智弁聰者世間智賢出世愚也○諸根不具者律
意諸根不具為遮難不許受戒也良心上

佛前後者坂下問當世佛前佛後時也可名佛法非器
者哉 答釋迦已滅度教法當有不可云非器法滅後
眾生可屬八難隨一也楞伽經云或有經卷處若有智
人處是名佛在世學者為佛故上○世智辨聰者藤田
世間智賢出世智愚癡也次第禪門八云諸神佛等雖
復世智辨聰能通達世間若住此分別終是心行理外
未見真實於佛法不名聖人猶是凡夫輪迴二十五有
未出生死上○諸根不具等者生盲不見佛經生聾不

聞法何有修行故古迹舉此二若依小乘戒門無男根
等亦佛法非器也律意於戒受得者立十三遮難諸根
不具其隨一也此次解文良心抄中或有畧釈或有

爰以文相不同則具書之其
文全同則畧去之云乃至也

章安等者合律名句到名邊地世智辨聰名邪見佛
前後名不見佛云問約戒緩乘急類乃故隔法義

也回問八難因業何 答古迹明因云此中十惡乃
佛前後生上已又上宮王維摩疏云八難者三途北鬱
單越長壽天此五是地難世智弁聰是心難佛前後
是時難聾盲瘖瘂是形難也云良心上

章安仁王等者合律名句次第不同名異躰同謂北効

名邊地佛法多中國流布佛於中天又以威力流布佛
法故邊地爲難處北州無佛法故可屬邊地也云世智
辨聰名邪見世間智利可邪見攝故古迹云邪智也佛
前佛後名不見佛也 問依何業生八難處哉 答古
迹云此中十惡招惡趣難世善生北所邪定感長壽謗
法生盲聾邪智與聰辨不敬三寶佛前後生已此中邪
定有對出世正業流轉云邪定也云 問約戒緩乘急
類八難中有得道者何一向屬非器哉 答捨異從同
可論非器也云 問本及者何義哉 答八難非人非
器類故合集云及又非八異八難中鬼名非人故隔法
義也○憂苦者薩婆多及大乘意上界無憂苦經部意

憂苦至四禪有頂今大乘意也○難攝者問色無色報
長壽天難也何云攝哉 答約八難也○兩卷疏者天
台法華文句外別付觀音品作二卷疏名兩卷疏也○
緊那羅者問緊那羅云疑神何義哉 答此神手把物
尚疑故名疑神又此神形似人頭有角故云人非人疑
故云疑神也云 文句二云次列四緊那羅亦云真陀羅
此云疑神頭有一角云号人非人天帝法樂神居十寶
山身有異相上已○絲竹管絃具足中引物名絲吹物名
竹云○少不如等者約樂藝歟或約秋秋或約德歟八
部來佛會時變作人形惣名人非人行事抄云十一非
人難八部鬼神變作人形而來受具上此次良心解狀
一字下而書之

緊那羅頭者角故別名非人云 問十惡五逆俱往

生障何非器中不舉之手 答五逆如說十惡迴心

念佛後造惡故不舉之欵 良心上

先師云等者初義今嫌當體後約已迴心分次義今嫌
難迴心分後約終可迴心義耳逆罪者不撥無因果由
貪造逆謗法撥無因果故云難迴心法事讚十惡五逆
云罪滅得生不云迴心謗法闡提別云迴心則此義也
又一義云今嫌謗法等當體云必無受化亦云除斯約
迴心云已外一心乃至皆往此釋同彼迴心皆往若不
尔者成一心下舉第十八願中不攝謗法等過若尔者
初釋如彼第一信罪惡機無出離緣除斯已外如彼第

二信佛願中攝罪惡機若約楞嚴定之化用何處不化

故華嚴說八難頓超彌陀願益亦尔謗法無信等機一

心念佛乘願力莫不皆往云又私云今一心等十八願

文意也然彼願十方者依下輩通五逆等若尔者願文

十方眾生云除斯已外等唯除五逆等者云一者謗法

等此抑止攝取意也 問非器中八難實可無受化義

准之謗法等亦可然若尔者何付今文存迴心得生義

哉 答散善義及法事讚既一師作也彼既許生今文

何實除之斯已下文正摸願文本願十方眾生若非五

逆等觀經下輩何生况八難實非不生大經明三途益

北劫難約其修回可立迴心往生義云○禎石者禎堅

義也又不潤義碩限大石通大小石不潤義故復字
正云○取下堪能義不限人間廣通余趣故群疑論二
云五趣悉往生上小經疏云云問三界五道皆修彼因
往生彼國有差別也答二說一云一切皆生若遇勝緣
能修其因又資共因得生淨土二云除五淨居天及四
無色餘皆得生雖有二說初說為勝如蜜嚴經云無煩
無熱善現善見阿伽尼陀空處識處無所有處非想非
非想處住於彼已斷除貪欲從此而生清淨國土故然
唯識論淨居天不發菩提心者但據始發若重發者亦
發心故約彼重發大品般若等云發心也 問無色界
無說力如何 答有前修因亦承佛力故同生 問彼

無想天無心如何得生 答亦有特得彼佛力斯有何

過上○解經製疏等者先疏中不標經為寫經文義也

畧論釋修生云識其本罪深自悔責未離彼處即得如

意比此寫大經文也疏四云汝一心正念直來比是亦

寫十八願云○問答乖角等者問念佛散善既答所問

一分尤順經文何云乖角哉 答問通定散合散中念

佛一行也廣按遙異云乖角也○答此經等者初述經

意顯問答中廣舉一經所被定散眾機答中偏約付屬

意申隨自機云○如論註等者彼迴向門普共諸眾生

者論主意可通一切機然問曰天親菩薩迴向章中普

共諸眾生者共何等眾生哉答此引十八願成就觀經

下々品此約經本意唯舉念佛機也○或云一心等者
 覺明覺心兩人義也覺心覺明弟子也言一心等是定
 散安心即三心也上盡等是修行時節也乘佛等來迎
 願也相師詳云彼文廣說修慈持戒等修業時分在文
 分明言亦惣通今文全寫十八願文不可一類或可此
 義問答順故無其過云又一義云念佛餘行相對即者
 癡立助正傍正三義故以三義可消今文若約傍正問
 中廣舉傍正諸機答中舉正機略傍機例如出請定文
 畧自開散吾文若約助正今答可兼定散即為念佛助
 故若約癡立今答捨癡定散獨約念佛成立三義中癡
 立為正順付屬釋顯本意故云有學者云問定散何機

得受佛答舉本願念佛往生而結此即答上何得受義
 竟知宗家意念佛上判定散往生何背定判離念佛許
 諸行各生義云今云此義背答意謂問廣雖問定問隨
 機得受義相答限念佛述得受義如閣餘行流通念佛
 喻分陀利復捨定散付屬念佛何背又義云念佛上定
 散得受此義非背今答亦違定問各生經釋及癡立釋
 既判所癡定散各生可云離念佛無余行各生義乎又
 具三心行定散人成往益為答上何機得受義故學者
 難勢是文外也 問或云義可為正義哉若然相傳義
 可不正如何 答設他義順理相傳義何不正各據一
 義故况記者評云彼文廣說修慈持戒等修業時節在

文分明也言亦惣通今文寫十八願文不可一類或是問答順故無其咎云此次良心科叙一字下而書之

次答等者文言簡略具分釋初至有別牒問記答二言通下至答上別竟出通別五文於中自二先通後別通中三初標二何者下釋三雖有下結釋有三文一通處求二通去行三通處求答別中標釋結准通可知釋有二文一別處求二別去行云問佛何故不答通去行乎答佛攬夫人可見十方淨土捨九方依西方請去行故不答通去行現十方也已上良心蓋舉章提等者初述理况乎下出文理上出文故云况乎對出文顯道理成云粗顯義勢問諸師以教我思

惟文為請散文何云章提請無散哉答今依和尚思惟定義成理○上問出文等者問今科簡意指何處云前上耶答意立結文指標通別云前上也○又答是釋等者群疑論問答云云釋則此義也此義亦指標云前上又先師云准依此乃答上何機得受義竟指出在何文問意云前通上別此乃徵出通別文證云問有通別義故也又一義云前上指問通別指答言答上問出在何文通別義竟云○問答介者問意下二重問答標從此已下次問答等何但云次答哉也答有二義初義意雖有問答以答為所詮從要但標答也次義意今問答為他師惣為答故他師義為問自義為答也對直答問云

往當益如云下指道理破文是非答問對他解釋各答
例也▲本問曰云何等者問定散名言行相然依答
意於十六觀定散問起盡也○然他師云等者問十六
定者九品行躰即定善哉否不然九品修業善散也然
定機此為所觀境故從能觀三輩觀名他生觀也問
今家違他判九品唯散想觀二字云何通哉答相傳云
三輩非觀相從十三觀立觀名也○此乃上以等者言
上來以思惟正受雖證羣提唯請定義若無此思惟定
分別未足羣提唯請定證故今更於定善中分思惟正
受合地觀又簡對他師思惟散善成立破也○漸々攝
散樂者漸捨散心習一心也於中初經文為先安立樹

等躰是名聞惠漸捨聞直安立樹等是名思惠任運無
分別樹等觀心中修惠正受定也○聞思剋體等者於
惠有生得加行生得惠者婆娑論云生便得故六名生
得已言由先生串習力不由思惟不假加行任運起故
名生便得乃至蟻卵皆具此惠我等受持讀誦教行三
福業皆是生得惠所起善也故婆娑論云十二分教受
持讀誦究竟流布是生得惠已尤記云若正聞教唯生
得惠由聞所成故名聞惠已加行惠者對法論云方便
得者依止親近善丈夫故聽聞正法如理作意修習淨
善法隨法行故已於此惠中分三惠別由生得惠聽聞
聖教由聞達能詮惠名聞達所詮義思想名思惠離聞

思從定起名修惠薰修於心令成功德無過於定故獨
名修云▲本科十五卷 物別相者若依若正其惣躡惣相依正
各有細相名別相▲本 想心等者想謂取像即想心
所緣謂緣觀即惠心所同時相應心所非一故云慮并
圓覺經疏卷一云三昧此云正思謂在定時於所緣境正思
察故比龍興記云言三昧者定六名第三名也何等為
六一名三摩呬多唐云等引離沉浮故名等能引神通
等功德故名引二名馱演那唐云靜慮謂寂靜思慮舊
云禪那或持訶那或禪等孤三名三摩地唐云等持定
持心令平等故舊三摩提或云三昧孤四名三磨鉢底
唐云等至謂至平等位故舊云三摩跋提五名質多醫

迦阿羯羅多唐云一心一境性謂定散持心王令住一境
故舊云一心者略也六名奢摩他唐云止也心性浮沉
不定能令心不散故比光記云替云三摩地此云等持
通定散通三性已 問定中所見本質影像中何哉
答宗鏡錄云雜集論云如契經等法如理作意發三摩
地依正定心思惟定中所知影像觀此影像不異本質
定心依此影像捨外境想唯觀察自想歎像已問師疏
云只是自定心我影像相非從外來也已慈恩通贊云
由念佛臨終之際佛及菩薩歎像現前華嚴入法界品
云至心稱念佛得諸三昧門佛及菩薩影像現前觀佛
三昧海經亦同此說故攝論云奢摩他定水佛像於中

現上 問定名正受意如何 答妙宗抄云離邪倒想
領納所緣名為正受上 〇問想等者問意釋正受云想
心都息緣慮並亡若正受位無心不緣境哉答意思惟
心廢也正受心細也鹿心滅云並亡非無細心故本文
云三昧相應也三昧者三摩地心所夕云相應心王及
惠等也引俱舍意計度隨念思惟可有之今並亡者滅
思惟計度隨念也正受但可有隨念此云三昧相應也
〇運作意業者起心造莊嚴形云運作意業如書草木
等形依之作意正受位莊嚴任運現此云無運作意業
如書畫竟見自在〇雖言一心業者通伏難夕夕意若
緣多境何云一心通意對一境心時一心移緣多境例

如見道一心十五刹那移轉十回云若依唯識等持者
心念專住不散為正心專住言非唯一境不先見道應
無等持設住一境若非專住不名等持上 〇俱舍二云
者俱舍論也故下云論日也 〇說五無分別等者經說
五無分別此云說五等下一句釋難也前五識有自性
分別由無計度隨念二故云無分別如一足馬名為無
足俱舍頌云五識唯尋伺後三夕餘無已釋云眼等五
識有尋有伺由尋伺恒相應謂眼等五諸有二種回一
行相應二外門轉由此二回故眼等五識與尋伺俱義
決定故說唯言後三夕餘無者謂意法識根境識中各
居後故重云三者明此三界皆通三品名三一有尋有

伺品二無尋唯伺品三無尋無伺也欲界初禪有尋有伺也中間禪無尋唯伺也第二靜慮已上諸地乃至有頂無尋無伺也上光記二云自性分別尋伺為躰謂由二回故一行相麁二外門轉自性分別通於六識上寶師釋自性有了故名自性分別上五識初取也聲等相為自性義第二念追分別色聲等躰性為計度分別隨計度而明記不忘為隨念義計度限散故云意地散惠隨念通定散故云意諸念頌疏云分別畧有三種一自性分別二計度分別三隨念分別五識身雖有自性無餘二是故說無分別自性分別躰是唯尋以意地散惠者出計度分別躰散謂非定簡定中惠意識相應簡五

識身心故第六意識相應散惠各計度分別意諸念為體者出隨念分別躰若定若散意識相應諸念各隨念分別令通定散故名為諸也上光記云夫念作用多順於惠故立用勝名為分別故念順彼名為分別上婆娑引發智論云隨念曾境或隨境念名隨念分別上問自性分別限五識哉 答意識緣法境亦有自性計度差故光記云自性分別通於六識上如一如一足等者一足馬雖無世間以假令譬也一足如有自性分別無三足如無隨念計度二名無足如五識說無分別也上自性分別躰等者此有部義也五識任運緣境各尋伺論主不共此義故云傳說頌疏次義似大乘々々意思惠

體此限第六識不通五識故唯識論述正義云有尋尋伺唯意識俱論說尋求伺察等法皆是意識不共法此扼要云釋尋伺所緣々々者以名句文身義為所緣此唯第六識有尋伺餘識無之故云不共法也云後心所中等者今所引第二卷也指第四卷云後彼頌云尋伺心鹿細比釋云尋謂尋求伺謂伺察心之鹿性名之為尋心之細性名之為伺後有別釋尋伺是語言行鹿者名尋細者名伺語言行者是語言回也有尋伺緣名句筆終口宣之故尋伺回語言果也上自性分別行相鹿事前五識但取明境不緣闇境此云鹿外門轉者緣外五塵不緣內法等心法云內法轉者起義也云散惠

諸念業者計度分別限散不通定為身散心惠分別諸法也故云散惠隨念通定散亦以念為躰故云諸念頌疏云念通定散故名為諸念心所明起緣境云念也今引意既隨念分別通定散故正受位有念可緣境想心都息者無計度分別也○若定散等者問隨念中散計度同異如何答五識初取也聲等相為自性義第二念追分別色聲等躰性為我度分別隨計度明記不忘為隨念義計度房昧故云意地散惠隨念通定散故云意諸念也又乘細異也○思惟通於等者思惟相應計度隨念中散正受唯限念隨中定耳○言上問者等者問別指初問云上問意如何答第二問明第一答若

無第二問答第一答義不成故二番答俱決明第一問
意故初答次問為別第一問為惣々家答故云惣答依
主釋也○淨影云思惟等者此師料簡思惟正受即有
二義一定散二真假對此乃思惟義通三福散心目水
假觀故存兩義居欣淨緣散善緣云下三淨業初義請
散善云教我思惟請十六定善云教我正受也次義付
十六觀中日本以散心見此日水為方便云思惟第三
以下十四觀云正受初義今所破也第二俱約定觀故
且今不破彼再往言之目水既有觀義何但名思惟故
可所破云闇師同之存兩義 問他師意章提請定散
意如何 答福智二門佛修行助法正二行故正受是

正行智門思惟助業福門得意可致二請下知禮意則
此義也又一義下坂云此雖似二義是細分別非上下義
各別云云○天台疏云者淨教初義意也嘉祥龍興法常
同之大智律師同和尚義云云○知禮云等者光臺現國
云見土兼別所求別去行云正曰○正助二曰者坂下
正者正受也助者思惟也思惟名願思正受云業因也
○若不思惟等者藤田言上見土雖發願樂若不散心
思事業不成願樂唯願不生故云有願思量事業即成
往生淨土業因願樂之家思惟故云淨土願思也此師
意以一心三觀為正觀義是理觀也對此理觀三福散
善云事善業離邪倒想釋正字義領納所緣釋受字云

▲本 三福九品等者淨影分別二請雖不屬九品又
至釋九品即合三福故知三福九品合爲散善云○淨
影云自下等者彼釋意十六觀中初七觀之依報後九
觀之正報九觀中初六觀之佛菩薩後三觀之他人往
生○觀察他人者問此師意章提請思惟散爲自行何
至正宗三福散善爲他人行爲所觀耶 答章提爲自
福智雖請惟思正受佛日廣爲未來定散諸機說定散
往生故以未來散善往生爲所觀境爲他生觀 問所
觀散機只修福分不共智門何得生哉 答此師意定
上三品機三賢乃至六地菩薩中上品小乘前三果中
下內凡故彼等人可具福智故無相違又中下品及下

二品具菩提心故分可成福智善歟 問此師釋五逆
除取云約行分別造逆之人行有散定觀佛三昧名之
爲定修餘善根說以爲散善力微不能消除五逆重往
生大經付此故說不生定善力强能消滅罪容得往生
此經明觀所以說生比此釋意判下三品機尚修定觀
今釋何云九品散惑往生機哉 答彼師所存難知然
釋下下品云善友開道歸向之力故得往生比歸仰一
心屬定心歟或如是至心屬定欵例如中輩僅放心屬
菩提心云要由岳終發大乘心乃得生比又十念之屬
觀念欵加註安樂集下下十念屬觀念云○何故觀此
等者言佛何故令觀九品生相爲令散善世人生業上

下差往生此義意含天台兩義又世人言約能觀人無
違妨欬○天台云等者此亦同淨影他生觀但釋觀由
淨影存一義今存二義云云○有二義者初義為令捨劣得
得勝觀三品也次義為令知位上下未必為令捨劣得
勝云云○嘉祥云等者觀彼依正二報名觀果觀往生因
名觀因也十三定善亦雖生因果中說因名觀果耳淨
影天台約能修機名他生觀今約所修行名曰觀兩義
且約邊方其實能修所修不可相離 問此師意修十
六觀能修行者可攝三輩哉 答可然定觀人得無生
忍無生者七地無生也 此良心上
一段
一
字
下
而
書
之
觀察等者天台次義約人位差今約修因上中下差

又一義云對彌陀佛依正二報三輩觀生淨土因人
故云觀因非修因欬 良心上

靈芝云等者問他此觀徒衆觀有何別哉 答對自生
觀名他生觀對化主觀名徒衆觀况徒衆言直取果相
未必約因故往生相屬曰明說他生言約往生人而兼
同行云云○自生觀者定善修行人往生此云自生然今
定觀々散善往生觀三輩故又普觀為自生觀是定機
觀自往生相也觀他往生相云他生觀是即自他俱不
離往生淨影普觀釋云次下一門自往生觀也

此良心上
一段
一
字
下
而
書
之

答向等者答中分四初述破十六定善義言指十三

定善思惟定自義云向來解與諸師不同舉他思惟散善十六定善義云如斯解者將謂不然立破相對十六定善破文分明何云十六定善義自他共許哉次二種下述正破中偏破思惟散善之義他師定散俱請義失自開散善佛德故云其過尤重何者下破思惟散義云決正唯請定義言若不破思惟散義唯請定善自義不成定散俱請他義蘊活自開散善付屬佛名經元意沒思惟散其過重故惣別破之十六定義無重過故惣破不然別破略之三當文下述上下相因破二錯上出唯請定文下引自開散善文相因破思惟散善又上於十六觀分別定散兼成十六

定破文今惣破惣不存十六定義意

已上
良心

諸師意等者初舉定散俱請誤次所言定善下舉十六定善謬三輩觀云觀云十六定善故云三輩之文等此二誤不叶經意故云未可約實義可云不可今恐慮云未可也▲本斯解等者初惣二義云不然也何者下別破定散俱請初不立文理但云不然何者下正立文理故云正破也○問次正破等者問意何者下但破思惟散善義不破十六定義知十六定義自他共許也若然雖舉二義指定散可云如斯解者將謂不然何二義俱云不然哉答意上來四番問答意散善自開三輩偏散成竟此二自義云向來解此二義不同諸師此云不

同而與諸師二義云不然何紉一義云不然次何者下
但破定散俱請誤此有二意一定散俱請其過重故別
破之也二上問答中述三輩散善義是當十六定善破
故今別破略之若云已下還破上問者也覺明房存一
義云和尚許十六定善故不破他師云○上下問答引
重提唯請定文今破出佛散善自闕文故上下相因成
定善羣提請散善佛自闕破定散俱請誤○雖是幽隱
等者言設玄義雖不釋三輩定善至文句可釋其義然
文句中無三輩定善况定善終結十三定善第四卷初
標三輩散善一門結文然也何迷此等云今家存十六
定善哉○分科結文等者定善義散善義各別是云分

科定善義終結定善分散善義終結散善分云結文也
○靈芝云等者此師但見玄義分不見後三卷初引玄
義爲所破次今謂下成能破難有二一自語相違難汝
若十三定善者若如所判下文但應有十三觀何名說
此十六觀哉二違經文難經云上輩生想名第十四觀
等三輩何非定觀未限十三義不攻自破依涅槃經說
不可依善導人云有人云釋名門釋所觀境云十方同
生者是其當三輩生人故和尚存十六破義但諸師思
惟屬散存十六定義故知如斯解者將謂不然言惣意
別可破思惟散義何者下只破思惟散義不善十六定
善義則此意也云今云此義違背當門文云從日觀下

至十三觀已來各為定善三福九品名為散善上和尚
若存他生觀義以三輩觀可屬定觀為十三觀名定善
况自善已云向來解與諸師不同諸師正受合十六觀
以為定善如斯解者將謂不然上和尚不存十六定義
立破分明也何致迷惑但至難者十方同生義通九聖
雖當三輩且取所生成聖衆義非觀能生三輩差別故
異諸師他生觀義設雖因中說果成聖衆義非觀三輩
生差別如選擇集引迦才衆生起行等釋不取通報化
義只取差別義邊成品位無量義云○但華嚴等者華
嚴不云三昧異名但說三昧處有思惟言和尚取意云
三昧異名正觀記意如此○然正觀記者戒度作上中

下三卷文也初引玄義次然華嚴下先舉世人迷次今
謂下成義後如輔觀下引例合玄義成義者經無異名
言說三昧處有思惟言玄義云異名也言例者引華嚴
思惟三昧合論思惟三昧定異名文此引合同玄義例
合也○今謂不可等者言彼經中無說思惟正受三昧
異名正文且說三昧處說思惟即指之云異名也○輔
觀記者未辨作者及卷數云或云通玄居士作也○華
嚴十行品者彼經第十一一切德華聚菩薩十行品十七
上文也十行第五離癡亂行有此文也彼經第十一卷
有三品初佛昇夜摩天宮自在品第十五二夜摩天宮
菩薩說偈品第十六三功德華聚菩薩十行品第十七

之上十一卷十二卷說一行品下十行品大品故十一
十二兩卷說之○合論三十七筆者指智論欬又後土
釋目聖引華嚴論文今無別名直云論成經義故是華
嚴論言輔觀記引華嚴經合華嚴論成義道也戒度用
意輔觀記引經文合論定異名此即經云思惟三昧論
云定異名玄義又思惟三昧文釋異名云也云○離沉
掉等者俱舍論云昏沉瞋眠能障惠蘊掉舉惡作能障
定蘊比定惠均等故舉定顯惠云○又第五者輔觀記
第五卷也○乃至入定等者為述觀法出定等重云入
定也定相應惠解名正解名善思惟是正受名善思惟
也按新論云只緣章提速請二句在文不顯善導恐人

異解獨引華嚴異名釋名况思惟之名諸文多指正觀
如普賢觀云正念思惟一實境界又云思惟大乘不休
癡輔行云思惟者正觀也又如諸文以三學收八正道
則以思惟屬惠比問彼菩薩戒入思惟是無想定而
正受位也何今有相觀前方便思惟引合哉 答彼此
雖異思惟屬定義彊例也文云准知顯此義欬○方說
引生等者依善思惟觀察引生智惠出定後為他說法
也是釋善思惟三昧力用也○六十華嚴等者說十行
中第五離癡亂行文也經云何等為十一者歡喜行二
者饒益行三者無慮慢行四者無盡行五者離癡亂行
六者善現行七者無著行八者尊重行九者善法行十

者真實行至乃離癡乱行者此菩薩成就第一正念未嘗
散乱堅固不壞菩薩甚深三昧菩薩於三昧中思惟分
別一切音聲生住滅相善分別知生住滅相亦觀察聞
聲者聞好惡聲心無增愛正念不乱於彼諸聲善取其
相而不殊著知一切聲皆無所有非真實性無有造者
亦無本際與法性等無有差別是菩薩成就寂靜身口
意行不獲退轉安住諸禪三昧正受悟一切法智慧成
就得離一切音聲三昧阿僧祇三昧以為眷屬生養大
悲於念々中能得到無量阿僧祇三昧究竟成就一切種
智比見此經文於三昧中前方便名思惟分別三昧位
云安住諸禪三昧正受此文全同地觀文義和尚引同

弥以貴者也○問引華嚴等者難華嚴證也難意思惟
言通定散若然華嚴約定說思惟言觀經觀散可思惟
言華嚴觀經別經也譯人亦異也何云彼經思惟約定
此經思惟亦然故法華約散說思惟云○道因等者道
因法師天台未師也天台疏者三種淨業散心思量名
曰思惟已然靈芝釋思惟正受三昧異名依用和尚破
天台釋依之道因為破靈芝助天台義作一卷文名輔
正記戒度亦為救道曰破扶靈芝義作一卷文名扶新
論云今難者引道曰破為例證也○關節相當等者思
惟請關三福當篇正受請關十六觀卷問答相應無
乖角云無盈縮此則章提有思惟正受二請佛有三福

十六觀二答不乖角若請有二答者一請盈谷縮然問
答各二故云無盈縮也○縱華嚴等者靈芝釋雖不引
華嚴所依玄義引故爾云也○譯人用意等者言譯者
意樂不同華嚴譯者定說思惟觀經譯者散可說思惟
何華嚴義闡觀經哉○釋經固有等者言釋此經思惟
固有引他部者華嚴經思惟定義若顯了何用相關此
經思惟散義又釋經文義固解有引他部者也兩經定
散義若顯了何用相關云○如攝大乘論等者初述攝
論梁唐異說次若然下示能例意○第九是第八等者
雖同替本真諦譯以性宗意立九識前八識即有為有
漏第九識獨無為無漏真如理性是常途性宗所談也

玄糝以相宗意立八識第九云第八異名也無漏位云
第八大圓鏡智為第九也性相二宗各別義也弘真諦
論人不依用唐論學唐論人非舊譯○第八異名者楞
伽經云依諸邪念法是故有識有八九種之識如水中
諸波比○淨識者依性宗真實無漏理也依相宗無漏
亦攝圓成實故云真淨識慈恩引楞伽經云兼說識性
或以第八滌淨別意故言九識比○且如後世等者梁
攝論立第九識唐撰論云第八異名如和尚引華嚴文
合觀經思惟梁撰人不用異名說如道因等不用和尚
引同義其華嚴異名如唐異名觀經思惟散義如梁八
九別論云問此例偏者若約梁攝門人情者此例可

然若約唐譯此例還成自家潤色如婆沙云凡引證者
理無異趣此有異趣為證不成

此次良心引杖新論而備難勢然彼抄中

無會通言後筆脫
軟先書彼抄可見

故扶新論云所引梁唐二攝立識異名為今三昧異
名例者今借彼例而反質之何者梁攝雖見唐攝謂
九識是八識異名曾不依用還立九識輔正何必抑
令新疏循天台以三福谷思惟乎又復雖引異名為
例其例不當何者自古所謂地分南北攝有梁唐正
依立識或八或九或真或妄互相破立頓同水火是
故唐攝雖謂九是八之異名梁攝不依宜今來善導
為消經文與彼華嚴恰相宛順故得用之豈與二攝

諍競是同比

已上
良心

合若知今經思惟定義誠如難勢今執此經思惟散義
不用和尚思惟定義如梁門人知九識理不用異名說
類例也○由之論之者依攝論例云由之今釋論思惟
義云論之○新疏者靈芝疏也對天台舊疏名新疏也
○未知善導等者雖存思惟定非而且恐慮云未知等
也○善哉々々者法華信解品迦葉等領解云如來有
無量功德故昔我等樂小法故說小乘於菩薩前毀讚
我等今我等樂大樂故唯說一乘法比藥草喻品佛述
成云尔時佛告摩訶迦葉及諸大弟子善哉々々迦葉
善說如來真實功德比疏云上善哉權功德下善哉智

功德^上今言善哉々々全同尚分權實豈况思惟正受
福觀對當顯然不為散與定異釋哉 問此文云何可
會通哉 荅扶新論云引善哉二句為例者此亦未為
通論但在法花四大聲聞領解法譬一周權實之法故
使智者作雙歡釋之余經則不然智論云再言之者善
之至也^上譬川釋金剛經云再善哉者善之極也^上○
又法華云等者勸發品文也言如法華思惟散心今經
思惟亦散心何同華嚴成思惟定義哉 問此文云何
可會哉 荅有四由故今經思惟攝定不遮遁思惟文
義通散善^云○一同華嚴等者以四由破思惟散義初
三證思惟屬定義是表詮也後一證思惟非散義是遮

詮也初三文中初一例證次二正證也於中地觀文合
思惟正受義如本文次通去行教我觀於清淨業處觀
字必含思惟正受義欲歛散地凡夫修得上界定必有
加行根本二途若無加行何得根本觀字可有加行思
惟根本正受道理分明也由此理請別去行別彼觀字
云思惟正受彼觀字若限定觀別去行思惟亦可限定
通別一致無異途故如天台云惣々於別別於惣^上
後證思惟非散義者羣提若請散善定散俱可許說然
荅羣提請別許我今為汝廣說衆譬更為未來別開三
福云亦令等羣提所請思惟非三福散善義在文分明
戒度師得和尚義趣自惣之別逆次料簡謂以地觀粗

見了々分明合別夫行思惟正受二句以此二句合通
去行教我觀文思惟定撰分明也所詮自惣之別自別
之惣順筵料簡思惟屬定義彌明鏡也○問委者等者
問意可見答意當門但就此經散善錯故直名定散料
簡門下六門依他經論誤故隨所依名經論相違門也
○讓功於本者仁王等經論也○問定散者問意諸經
論有定散法門諸師依彼可致今錯若尔何非經論相
違答意諸師可依經論意勿論也雖然正彼釋不引經
論判几品次位等引仁王等經論故二門義別也▲本
又向來者上惣指上來四番問答云又向來今別指
前通別請云又向來故上下是別也○通別二請者通

去行別去行是云通別云此次良心有標章及解
叙先出彼抄次書此見

▲本曰六和乃至身土而已事

一就此等者可云標列章從多云列章耳○標中等
者委細分釋和會經論相違惣句廣施已下別標會
相廣施問答即是直標疑情是問釋去是答云已上
良心

▲第六和會經論相違門事

和仁王等者依他師彼仁王等觀經相應無違然和尚
依觀經定判九品生機十信以前流轉凡夫時他師所
引仁王文能違今經故以仁王等為能違和會意仁王
無生七地故六地菩薩可得之觀經無生初地也凡夫
依他力得之故仁王觀經不違也次攝論觀經者凡夫

往生違攝論觀時不生也和會意撰論唯願故不生也
觀經願行具足故實生也次淨土論者二乘種不生違
中輩小機往生和會意淨土論約彼土德觀經說此土
生也各據一義並不相違故為和會也此次良心解經
一字下而書之
本 來破者引來余經成道理破故云來破又出來
道理成破故云來破欤 已上
良心

▲本曰初言諸師等事

三未必等者今家深傷諸師錯云不待下破今云未必
然云是畧破也○義通諸師等者嘉祥判地無生同淨
影天台等亦云高位可成所破故云諸師也○淨影為
初等者依年代記淨影天台嘉祥次第淨欵當佛滅後

一千四百七十年吾朝善記元年壬寅誕生崇峻天皇
端政三年辛亥入滅時年七十也天台當佛滅後一千
四百八十六年吾朝宣化天皇御宇僧聽三年戊午誕
生推古天皇御宇告貴四年丁巳入滅時年六十也嘉
祥當佛滅後一千百二年吾朝欽明天皇御宇貴樂二
年癸酉誕此推古天皇御宇仁王元年癸未入滅時年
七十一也已上 問正觀記上云祇觀經天台之後惠遠
善導澄觀繼而有作已上此釋則似天台前惠遠後云如
何 答疏抄云今天台疏文略義要又前後文多寫遠
疏比准之遠機為初但正觀記若簡釋義優劣為前非
約時代欵又天台在陳隋代遠亦同代也前後難決靈


芝云前代解釋九有數家隋朝惠遠法師天台智者皆有章疏此釋同時出世見造疏前後難支者欬○淨影尤高者如上三品淨歎順忍信忍伏忍天台十向十行十住嘉祥同之○釋義巧者時却不同等釋義也○如法華疏等者南三北十諸師皆釋法華悉誤中光宅寺雲法師釋義尤巧謂法華教行人理為高廣長亦前教行人理為狹下短天台破之余前亦有圓實何偏屬狹下知惣成四六二十四難具如玄二偏被光宅一師余義自然破壞如風前塵如一陳破殘黨不全云云○餘者望風者坂下玄二云今古諸釋世以光宅為長觀南方釋大乘多兼肇付々々多附通意光宅釋妙寧得遠乎今

先難光宅餘者望風比光宅所居寺名實名小雲也此人行龍宮過去七佛法華經作疏人也彼疏龜負海中小雲講法華處來也存嘉祥疏云此次良心解釈一字下而書之

又天台等者兩師同時故天台釋雖前造淨影釋巧判高位故別舉一師云

問若欲等者藤田問意破淺位可况深位然今但破深位許淺位故答意如所難可破今意判深位其各尤重各重故先破也▲本先舉等者舉彼解自三謂三輩々々各有上中下品上中兩輩三品別舉下輩文三品合舉耳明此釋意先依彼師所依經論作圖云

仁王經五忍 瓔珞經意 觀經華嚴 地持論三祇 卷六住



經說華開以後得益上上品云生彼國已即悟無生上
 中品云經一小劫得無生忍上下品云經三小劫住歡
 喜地然淨影依仁王五忍定無生位依地持論及華嚴
 論定劫數分依仁王者彼經五忍謂一伏忍謂十住十
 二信忍謂初二地三順忍謂四五六地四無生忍謂七八九地五寂
 滅忍謂十地然觀經說上上品云即悟無生知在娑婆
 順忍之滿六地位故生已即悟七地無生地持論明三
 大僧祇初僧祇謂三賢第二僧祇謂從初地至七地第三僧祇謂八
 九十華嚴經云娑婆一劫當極樂一月夜上故極樂一
 劫當此無量劫而觀經說上上品云經一小劫得無生
 忍知在娑婆信忍終三地於故滿四五六地間經彼一

小劫得七地無生又觀經說上下品云經三小劫住歡喜地知在娑婆初住位故備三賢間經彼三劫得歡喜地云云以彼大綱可知彼釋意也 問依淨影意地前經三小劫此住行向各可經一小劫若余者以一大僧祇爲三小劫也上中品第三地經一小劫至七地依此釋四五六地間經一小劫云理實於中二劫三劫二劫者二地菩薩二三地經一小劫三劫者初地菩薩初地經一小劫也順此等釋第七已上一大僧祇可爲三小劫若然或一住經一劫或二三地經一劫多少不同有何由乎 答地前有漏位故短劫多經位也初地無漏初故時分長四五六地習久故時分短經歷位八地已上

功德深細故久經劫數也 問依論藏意七地以前經二大僧祇然今圖四五六地爲第二僧祇况淨影釋云方至八地何相違哉 答依淨影釋意四十位惣有九劫多分二僧祇當三小劫六地已前既有六劫故少分雖有超劫約多分六地以前爲第二僧祇也○四地以上等者依釋大意五忍中順忍四五六地以上令品五地六地上位云四地已上五地六地四地後位故大經疏云四地已去也六地菩薩生立可至七地約之經云即得無生也四地五地經半劫等可至七地故云亦有多時也○理實於中者言約第六地菩薩即可至七地四地五地菩薩經多時可至七地約其道理云亦有多

時也○惠心安理等者釋示觀緣即得無生法忍文也
無生是安忍無分別智安忍理云惠心安理也智云忍
也惠能堪證理故云忍無生之忍依主釋也下諸忍皆
同惠也但伏忍有漏惠也地上無漏惠也○種性解行
者十住名種性行向名解行云云在三賢位學觀諸法本
無性理能伏無明故名伏忍初地斷一分無明證理故
起真實作意信心受定名信忍雖證真如有相心增不
順無相四地破相順無相故名順忍雖無相尚心雜起
七地離相正證無生名無生忍十地終斷元品無明證
大涅槃故名破相寂滅忍也此乃地上所證理躰雖無
差別能證人障有麁細故成忍差也云云○學觀諸法者

觀諸法空實有執被伏也○冥心者冥會一心理也於
理有集記義集記諸法種子觀諸法故云云又根本智冥
心冥會理意故寂者所證也至者能證表也○過一小
劫等者約第三地云一小劫約初二地云亦有二劫三
劫也 問依上下品初住去到初地間一大僧祇經三
小劫初地去到八地第二僧祇間可經三劫何至七地
云三劫哉 答此義未定若約初地可到八地云三劫
欵○亦有二劫等者言三地菩薩四五六地間經一劫
可至七地無生二地可經二劫初地可經三劫也

此次良心略叙
先書彼抄可見

問曰筆者問意信忍初地已上過無量劫方至八地

無生忍位此經何說經一小劫即得無生吞三義中
初義約大途遮疑情次兩義細成義道也

問曰地持等者問意地持論以三阿僧祇對菩薩位地
前經初僧祇八地以前經第二僧祇八地已上經第三
僧祇也然觀經信忍菩薩一劫至無生忍違地持一僧
祇也答有三善初意率嚴娑婆一却為極樂一日一夜
故極樂一劫當娑婆阿僧祇劫地持約娑婆故僧祇至
八地觀經約淨土故云一小劫也第二善地持約初地
菩薩故云僧祇觀經約三地故云一小劫菩薩初地三
地昇上位故云去處有異也第三義地持至八地遠故
經僧祇觀經至七地近故云一小劫也 二問就三義

初地三地七地八地雖有別異不可有多少增減然何
成僧祇一小劫會通答此三義各各不可成三義相依
可成言地持初地菩薩至八地約娑婆短劫說一大僧
祇也觀經三地菩薩至七地約極樂長劫說一小劫也
○彼中一劫等者准下細釋彼三小劫當此僧祇今約
大途云彼一劫當無量也○問曰地持論從等者問意
論一大僧祇此云無數是多劫也經云三小劫即劣故
經論何違耶難也答意可見有二問答會時劫不同順
上可知次問意上中上下對二品問不同言依地持論
三賢與八地以前同經一大僧祇觀經上下品三賢也
上中品地上菩薩至七地也若同經三劫若同可云一

小劫然何上下品云三小劫上中品云一小劫哉理實分齊下卷有二義初去處有異次所到有別也今成義上中品三地菩薩至七地遠故云一小劫上下品初住菩薩進至初地遠故云三小劫若初地善善到八地如上下品可經三小劫此云理實分齊等信忍中終處三地也伏忍始處初住也○左右等者上中上上去處有異為一左右上中上下所到有別為二左右云○不至過處等者到八地九地過處七地是無生始也故云不至三賢可經三小劫然今至初地故云至過處也問若依等者問意上々限六地上中限第三地上下限初住此師何會經即得等云就勝為言等三十六人為上輩

三品哉答意無生忍依仁王經上々即得順忍滿也四五地同順忍故可生上々上中一小劫三地菩薩也信忍終也初二地同信忍故俱可生上中上下三小劫初住菩薩也伏忍初也其餘二十九人同伏忍故可生上下以此道理攝諸位為上輩三品也三十六人有淨影意上々品四五六地三人上中品初二三地三人上下品十住十行十向三十人也故都合三十六人也然今經上々品舉第六地攝四五地上中品舉第三地攝初二地上下品舉初住攝二住已下二十九人也○一種姓等者自初住不退菩薩種姓決定故名種姓位不退修菩薩行故行向位名解行住初地入心斷一分無明

見未曾有理無漏智初生故云淨心二地已上是修道
位踏見道迹故名迹住七地以前有漏心雜故屬不定
八地已上純無漏故名決定住第十地是因位極故名
究竟住安住此六位故通名位也又瑜伽論立七地十
三住七地者一種姓地謂未發心位也姓者類也未入
僧祇三乘種類各異故云種姓位二勝解行地謂信等
行相勝信前故云勝解行也是資糧加行位信等行力
成加行功故名資糧煥等行為初地斷證成方便故名
加行也五教章云餘教只立三賢不立四加行為直往
人也瑜伽等立四加行意為透迴人彼踏三賢四善根
位入見道故迴心入大後三賢入初地見道時可驚覺

為引彼於十廻向滿開四加行已上三淨勝意樂地謂相
對地前有漏劣初地斷惑見理歡喜故名淨勝意樂地
也四行正行地謂二地至七地二地已上初地正見上
行故云行正行也五決定地謂第八地也六決定行地
謂九地也五六卷云八地已上無功用八地自利得無
功用九地利他得無功用故加行字成五六差別也七
到究竟地謂第十地及佛地也第十地因位滿佛果則
果位滿故同名到究竟也十三住者一種姓住二勝解
行住三極喜住此三住七地中初三地全同也四增上
戒住謂二地成戒云增上戒五增上心住謂三地成定
々多惠少云增上心六學分相應增上惠住謂四地行三

十七菩提分法云覺分相應七諸諦相應增上惠住謂
五地觀四諦云諸諦相應八緣起流轉止息相應增上
惠住謂六地觀十二緣起流轉門云流轉總滅門云止
息九無相有功用住謂七地自利々他俱有功用故云
功用十無相無功用住謂八地自利無功用云無功用
十一無尋解住謂九地得無尋故云無尋解十二最上
成滿住謂第十地因位滿云最上十三寂極如來住謂
佛果諸事圓滿云最極耳云十三住者等已下此見
故一字下而聞與良心抄文相不同
書彼抄耳

十三住者初三住與七地中初三地全同第四已下
七地中後四開合異麁細別欬初地入心見理歡喜

信心以後修化他行成滿檀度二地成戒云增上戒
三地成定々多惠少云增上心四地成惠定惠均等
云覺分相應五地悲智雙行真俗觀云諸諦相應欬
又約分段生死云緣起流轉欬謂宗意悲增菩薩七
地以前起煩惱陪感分段生利益衆生云然第六地
感生死分無功用故云止息欬又七地中自利々他
俱有功用故云功用八地自利無功用云無功用九
地利他無功用云無尋解第十地因滿云最上佛果
圓滿云最極耳已上
良心

又仁王等者謂教習十住教習菩薩種姓云習種姓
依前數習成不改姓云姓種姓十廻向修中道觀云道

種姓十地可名聖種姓十地見聖理故也○而今種姓
等者問諸文中何定地持種姓哉 答彼疏引用地持
論知種姓名依彼論也 問上々上中依仁王云信忍
今種姓亦可依仁王如何 答仁王無解行名今云種
姓解行知依地持也若上下品依仁王者可云伏忍也
○三賢菩薩等者約其躰分賢聖時聖者無得智名故
上名聖人前云賢位然今同有漏與分名聖也○梁攝
論等者十信及信前若起菩提心可得菩薩名故云十
信已還也○是聖人等者唯識三十頌歸敬序慧安云誓
首唯識性滿分清淨者比唯識述記云世親雖是地前
菩薩於唯識性決定信解雖未證真亦隨修學分有所

得名分淨者比世親菩薩十向滿位菩薩也然於圓成
理信解決定未發無漏以有漏智觀唯識性有漏智相
似法身故得淨名故今地前名聖人證也頌文唯識性
者法寶也滿分清淨者々滿者佛寶也分者僧寶也此
指地上菩薩云清淨者也若然三十頌論主天親菩薩
不攝所歸手叟此疑為所歸與者分清淨者於遍計所
執所遣清淨於依他所斷清淨於圓成實所證清淨也
述記云初唯識性即是法寶以是佛師故先歸敬理教
行果四法不同常恒軌則真如為本要證真如有余方
故教行果三真實性故三乘聖者之根本故或說彼本
即兼上來故不說余三但說理法或唯識性能詮所詮

能成成所如其次第教理行果四種法寶言唯識性即攝一切四種法也滿清淨者即是佛寶證法正說唯如來故次法後說分法淨者即是僧寶能隨佛教是佛之資故次佛說上此文中資有弟子義也又上輩三品諸師異解天台云上品位當道種中品位當姓種下品位當習種上群疑論六云且上品三人諸師捨取有同異一師言上品上生四五六地菩薩上品中生初二三地菩薩上品下生地前三十心菩薩一師言上品上生十廻向上品中生十行上品下生十住一師言上品上生地前三十心上品中生十信未心上品下生十信初一師云上品上生十行十廻向上品中此十住上品下

生十信一師云上品上生十住初心上品中生十信後位上品下生唯取十信已前發菩提心修善凡夫起行淺深以分二品上慈恩云上十廻向上中解行上下十信上諸師有異解故群疑論六云所以諸師判此三品高下不同者以無生法忍經論判位或下或上仁王般若說無生法忍在七八九地諸論之中說無生法忍在於初地或在忍位菩薩本業璣珞說無生法忍在十住位華嚴經說無生法忍在十信位占察經說無生法忍在十信前凡夫位故諸師各據一位得無生法忍分上三品高下不同也上所引文天台等者仁王所說三賢名也此師上夕無生約初地無生也直云無生雖不

指位上下三劫所得既是初歡喜故即悟一劫無生是
得初地益也 問此師羣提無生判初住今何約初地
哉 答約別教歟又存各別義圓義欵群疑論等者憬
興舉九師釋龍興舉八師釋今舉六師悟阿抄云第一
淨影師第二法常師智首抄云若依法常其釈如今第三未
檢興師誰引此文云有說不云其名第四興師云力法
師第五依龍興迦才師亦寂義似今釋第六依龍興迦
才師口問感師自義六師中同何義耶 答雖難辨
且檢餘釋憬興出九師義中第七與今全同彼第九是
見論主義故此中無論主自義也舉第九師云有說上
品上生是十信未上品中生十信初中上品下生十信

前本業經說十住初心有無生忍百法明門故知生彼
即得無生是十信未又釋上々品無生云感法師云檢
諸聖教此無生忍當十住初心上已此釋合前十 初心
有無生忍亦同瓔珞經說無生法忍在十住位但彼釋
在論主觀經疏云問依何經論成異義哉 答准望
下引五部經論第一師依仁王經說其義如前第二三
四師依諸論初地無生出智論等忍位無生在攝論等
故三師判即悟無生十廻向等菩薩往生所得益也第
五師依瓔珞經說彼經中明無生法忍在十住中七住
已上故此師判即悟無生十住初心菩薩往生所得益
也第六師依華嚴占察華嚴經說無生忍在六信已上

占察經說無生忍在十信初人往生即得六信無生依
占察經即悟無生十信已前凡夫往生即悟信前無生
忍也此良心有一段
叙一字下而書之

取十信等者雖通意在初信上中下定唯十信已前
云此義當和尚欽釋上品云大乘極善言指初信無
其相違故又釋上品雖云極善未云信位故於信前
可論極善要集云善導禪師云義以大小乘方便以
前凡夫判九品位不詳諸師所判深高上 記上
慈恩云等者群疑論不舉釋義也釋意上今撰十迴向
約向滿云即得無生若約初中亦可有經劫得無生義
上中品攝十住十行約十行去云經一劫若約十住經

二劫等上下十信人三賢間經三小劫階歡喜地○或
在忍位等者善根中忍法位也依小乘意煥頂退位忍
法不退也然今大乘為迺迴人於向滿中開四加行故
煥頂俱是可不退然無生加行堪任智勝煥頂故忍法
立無生忍名也云華嚴經等者問彼昧中不說十信名
如何 答法華記云彼經不列十信之名唯於住前觀
十梵行自講者判為十信故今引之以為信位上古
來諸德得十梵行為十信故今亦然耳又悟阿抄云問
華嚴十信無生何文哉答賢首品說十信德既云便成
正覺宗家得此文十信位釋成也云准彼宗開初住立
十信此外無初住體依之意乘鈔等皆成住上十信之

義亦者本業十住無生與華嚴十信無生定是同位也
 然今別經名目異故別舉之耳○占察經等者彼經下
 云漸夕能向一行三昧若到一行三昧者則成廣大微
 妙行心名得相似無生法忍以能得聞我名字故亦能
 得聞十方諸佛名字故以能至心禮拜供養故上是則
 凡夫聞佛名号名相似忍相云○亦有多時等者第三
 果即往生可得羅漢初二果經時分可得羅漢中夕內
 凡半劫得羅漢准之第二果可經半劫三分一初果可
 經三分二也○問曰羅漢等者今第三果以前為能生
 機故問第四果生不生也此經下答也羅漢不生極樂
 故觀經不說生也次問答智論說羅漢生淨土觀經何

不生哉解有下答也○龍樹說等者智論九十三云得
 阿羅漢時三界諸漏因緣盡更不復生三界有淨佛土
 出於三界乃無煩惱之名於是國土從佛所聞法華經
 具足佛道如法華說有阿羅漢若不聞法華經自謂得
 滅度我於餘國作佛為說此事汝當作佛已○有妙淨
 土者阿羅漢斷見思故出三界未斷無明故不可生報
 土故方便土名妙淨土聞勝應說方斷無明生報土但
 立方便土事限三論台家餘宗不許之然淨影順三論
 宗故彼宗人入三論宗章疏中是然阿上人傳耳○
 解有多義等者初義意愚法聲聞不知大不迴心向大
 故入穢永劫後心起生淨土觀經約始故不云生智論

約終故說生也次義意不愚法羅漢轉向大故生純聖
妙淨土不生乘土也極樂一三乘雜二凡聖雜故羅漢
不生也觀經但說鹿土故不說生智論約妙土說生妙
者方便土也 就愚法等者不知大乘偏期圓寂名爲
愚法迴心向大趣大乘名不愚法灰身滅智證無餘云
捨現隱形入滅經八六四二万十千劫云不可思議劫
法事讚云灰身滅智無餘證二万劫盡復生心覺動身
還現諸佛先教發大乘^上○執小迷大等者但執小乘
至極不知大證阿羅漢果入無餘涅槃也大乘法愚故
名愚法也○捨現陰形者證有餘涅槃現在五陰云現
陰捨之入無餘故云捨也○不可思議劫等者問依涅

槃經第四果云二万劫法事讚云二万劫盡今何云不
可思議劫哉 答經今異說也故楞伽經云無量億劫
耽小乘空三昧樂久々方醒^上又或二万云不可思議
狄例如劫初八万歲云無量歲或約初二果等長劫惣
屬云不可思議歟○此經就始等者問若依終羅漢可
生西方哉 答不尔此師意西方分段凡夫往生鹿國
故見思斷人生妙土不可生鹿土西方况指聞妙淨土
云生淨土故不生鹿土也 問依此師意信忍順忍喜
薩尚欣生極樂鹿土迴心羅漢何不欣樂哉 答未
聞此更今試言之七地前有智增悲增故約悲增云欣
鹿土迴心羅漢智增故欣生妙淨土不欣極樂鹿土欣

長壽日新集

問二種羅漢各於佛處迴心哉 答不愚法於此工
迴心生淨土也今淨歎釋云是人死亡即於淨土受身
此意也愚法入滅後於淨土迴心向大也天台云豈有
出界聞勝應說必須更經八六四二万十千劫已則此
意也此即小乘人灰身滅智思者微細心任運生淨土
經劫生乘心迴心也 問或淨影意言七地已前菩薩
悲增故生彼迴心羅漢智增故生妙處不生極樂處土
者前三果聖者悲增故生極樂哉 答若尔者機根性
曰位定何前三果云悲增第四果云智增因果忽令相
違哉 答師云若會之彼師意經文明前三果人得生
彼說故任經說相不分別智增悲增三果得生判也是

亦前自度故性可智增然淺位故不取捨土躰麁妙得
生第四果深位故性智增故捨麁土取妙淨土彼不生
也是以此等大途彼釋相違可得意也○而非一切等
者言就不愚法云生淨土非一切愚法又不愚法生妙
淨土非生一切麁淨土也○麁處雜小等者麁有二由
一小法雜二分段凡夫往生故妙亦有二由翻麁可知
彌陀淨土兼二處故聖人不生也云○華嚴具辨筆者
彼經說十万阿僧祇土極樂為初門賢首佛土為最勝
故麁妙具說也○見道初果以前內凡四善根外凡三
賢也 問見惑見字見道見左別如何 答邪正異也
五見躰是邪見推度為見惑義見未曾見理為見道義

也 因問三賢四善根等大途其行相如何 答三賢者一五停心二別想念處三惣想念住也惣此位名賢事為無漏聖道成方便可叶聖位賢行故名賢也故俱舍釋賢聖品名云賢謂賢和聖謂聖正_上此位亦云伏惑位此位為斷煩惱押臥不起也又云外凡位此位尤淺故可同常凡夫故佛法外凡夫云意云外凡也亦云順解脫分位也解脫者見修無學三道云解脫此位順解脫分位故云順解脫分也又名資糧位此位超生死難道可證有餘無餘涅槃資糧故資糧也一五停心者一數息觀謂行者最初欲修四諦觀法心品麁淺不堪故為治覺觀之數息也覺觀者舊譯謂親云尋伺是心

鹿細_上釋云尋求伺察_上我等欲躡鹿強起覺尋云也又人心細云觀伺也二不淨觀此觀為治貪欲也於貪有四謂顯色貪形色貪供奉貪也於不淨有五種謂一種子不淨父母赤白二涕不淨為種子也二住處不淨謂十日懷胎間住母生熟二藏中間也三自性不淨我等身內有諸不淨也四自相不淨謂身九穴諸不淨出也五究竟不淨謂一期命終後亂壞諸不淨也此觀無貪為躡也三慈悲停心是治嫉妬也慈謂與樂悲謂拔苦也凡慈悲者親疎悉敵諸衆生平等拔苦與樂思心云慈悲也一切衆生起嫉妬心事無慈悲故也於此慈悲有三種一衆生緣有緣衆生出慈悲也二法緣依佛

法緣起慈悲也三無緣法界悉平等起也今慈悲停心
初般生緣也四回緣停心謂因緣者十二回緣也唯是
因果異也此治愚癡心也不知因果云愚癡知因果欲
出生死智智也五念佛停心謂此治障道也障道者於
佛道修行有魔障念佛三十二相八十種好魔悉退散
也其故佛成道時具降魔相也第二別想念處者謂身
受心法四各各觀不淨苦無常無我別觀故云別想舊
譯云念處新譯云念住念處者念行者於念處所緣境
也念住者令念住境故云念住也此觀治常樂我淨四
顛倒也於此觀有自相共相自相者俱舍頌云以自相
共共相觀身受心法以自相或以共相別觀身受心

法身受心法各別自性名自性四大種也身自性受是
受性心是心性除此三外諸法名法自性也共相者一
切有為皆非常相通達一切有漏皆苦性唯苦集一切
法空非我性通四謂及虛此非常等諸法共有名共相
第三惣想念處者身受心法四束觀乃至觀無我也四
善根者此四名善根位事七聖無漏聖道近方便故々
別云善根也此位云內凡位此位成佛法人故未斷
惑位云凡亦云順受擇分決擇者斷惑義也見修無學
位云受擇其分位故順決擇分云也俱舍云受謂受斷
能斷疑故擇謂簡擇謂能分別四諦相上亦云加行位
此位為無漏聖道為方便故云加行也第一煖法者俱

舍頌云從此生煥法具觀四聖諦修十六行相比釋云
從此生煥法者惣想念處成已次生煥法此法如煥故
立煥法名聖道如火能燒惑薪聖火前相故名爲煥具
觀四聖諦修十六行相者此明煥位也此煥善根分位
長故能具觀四聖諦及能具修十六行相苦諦觀有四
行相非常苦空非我也觀集諦修四行相集因生緣也
觀滅諦修四行相滅靜妙離也道諦四道如行出也苦
者依身五陰體苦也空者此五陰體虛無果縛也此五
陰體觀空也無常者我等受生皆剎那生滅故無常也
無我者五陰有躰依身隣虛細塵觀云無我也集者招
集聚爲業煩惱和合招集苦果也回者種子義也業煩

惱苦果種子也生者業煩惱生苦果也緣者業煩惱爲
苦果爲果也緣者助因義也滅者滅種々苦一切煩惱
五陰云滅也靜者此滅諦貪瞋癡三靜義也妙者一切
煩惱及苦無故無爲安樂也離者離世間生死有漏法
也道者七科道品也如者道諦智惠非邪見義行者三
十七品功德至涅槃行也出者三十七品道出生死道
也於十六行相有々漏十六行相無漏十六行相四善
根有漏見道十六行相無漏也第二頂法者俱舍頌云
次生頂亦然比釋云修煥善根有下中上至成滿時有
善根生名爲頂法亦觀四諦修十六行相同前煥位故
云亦然煥頂二善俱各動善可退動故勸善根中頂爲

最勝如人頂故名爲頂法又忍位是進屬位在進退兩
際猶如山頂故名頂法比第三忍法者頌云次忍唯法
念下中品同頂上唯觀欲苦一行一刹那比忍可四諦
事取勝故又無退故名忍法下中品同頂者此忍善根
有下中上下中二位同前頂位具觀四諦修十六行相
上唯觀欲苦一行一刹那者上品忍位唯觀欲苦唯以
一行一刹那心名上忍也下品忍位具觀四諦十六行
相也中品忍位減緣減行也上下八諦緣爲所緣境故
十六行相行也能緣行相七周減緣二十四減行其義
畧之第四世第一法者頌云世第一亦然比上品忍無
間生世第一法此世第一唯緣欲苦唯有一行一刹那

心同前上忍故云亦然是有漏故名爲世於世間中寂
勝故名爲第一引生見道故名寂勝也云見道者俱舍
頌云前十五見道見未曾見故上謂除道類智前十五
心名爲見道於四諦理未見今見々未曾見故得見名
也至道類智無一諦理未見今見如修曾見攷修道證
也俱舍意無導道漸解脫道證意前十五心間斷證既
極見未曾見理第十六心修進也成論意無導道伏解
脫斷證心前十五心斷惑未極第十六心時斷證極故
正第十六心初諦理事極也仍相叶見未曾見理故云
第十六心見道也彼論引斧柯喻經喻破俱舍喻意切
一本末十六刀正切倒前十五刀方便伏羲也第十六

目乃正切倒即是斷惑義也第十六心斷見諦理也云
○問今又何故等者大經疏內外九分爲中中中下觀
經疏內外九合爲中々世俗凡爲中下然今中々舉大
經疏中下舉觀經疏故問其所以也答中先舉他義々
意外凡一位觀經疏屬中々大經疏屬中下攝屬不定
故今不引云云此是覺明上人義也若言攝不定故不引
者世俗凡夫觀經疏屬中下大經疏不攝品既攝屬不
定何引之知依不定不取捨之事故今雖可引並兩疏
而文繁故引一文並顯一義云云問何故被兩經疏別
耶答兩經疏互以可通用然約邊々釋兩途欵○世
俗凡夫等者三賢未入凡夫修世福未出離也今家意

自然行孝不爲出離故破他師也○問彼目等者付淨
影義且致問答非明今義也○三生六十等者根有利
鈍極速三生極遲六十劫也得初果云早得解脫光記
云謂初生起順解脫分第二生起順受擇分第三生入
聖得果比四蓋根位經六十劫也實記云第一生起順
解脫分第二第三起順決擇分第四入聖乃至得解脫
比神泰疏云熟是多時故經百劫種脫促故但是各一
生也○且設二義等者初約此土少時善勝彼土多時
善劣文理成會通也次約敦逼成會通也問淨影疏
云要由垂終發菩提心種大乘種方乃得生故大經中
宣說其人發菩提心也既判發心往生何云爲令小機

迴心敦逼哉 答終雖發心依先小心尚證小果背大
義門敦逼可經多劫欬彼疏云此人垂終發菩提心先
學小故至彼聞小發其本解先證小果終發心故於小
不住必還入大^上又為平生人令迴心故敦逼臨終迴
心人依先小心說雖證果不可經劫然為令小機迴心
故敦逼小心經多劫歟 問依彼師意上中品一小劫
上下品三小劫亦當此無量劫是亦可敦逼言哉 答
可然為令上中下進上上品敦逼經劫得無生忍其實
速得無生不可經多劫耳^云○大經云等者文舉六度
廣植德本愍標也布施惠勿犯道禁戒忍辱忍精進
智慧如文一心者禪波羅蜜也○正心正意者集記名

心思量名意俱心王異名也正直云正心正意○他方
諸佛等者問極樂他方二重相對意有何所以哉 答
但限極樂修善別可疑故舉他方今無疑也○敦逼者
敦都毘反理也○答此義在等者要集下云二界善根
尅躰可尔然值佛緣勝速悟無失或此經但顯修行難
易非顯勝劣譬如貪財施一錢雖可稱美而不辨衆事
富貴捨千金雖不可稱而能萬事二界修行亦復如是
比群疑論五云問曰稱讚經說生彼速證無上正等菩
提既彼修道百歲當此一日如何說速證無上菩提耶
釋曰計此苦中修道一日可勝彼百年然逢惡緣多劫
退轉還復遲也彼雖百年同此一日唯進不退得名速

證無上菩提也如人急行多時停息達前所遲於此修
道一日彼百年佛不說此速證菩提也如人緩行中間
無停住速達前處故名速證菩提也 上▲本 此云
三品等者中輩三品諸師各異解天台云中品者從外
九十信已下比群疑論六云中三品中一師云中品上
生是三果人中品中生是七方便人中品下生人長種
解脫分善根人一師云中品上生忍位人中品中生頂
位人中品下生煖位人一師云中品上生煖頂忍位人
中品中生前三解脫分善根人中品下生曾種解脫分
善根人一師云中三品人並是種解脫分善根人只由
持戒得有淺深及不持戒人但行世善以分三品不約

位地上下分成三品也比○天台云筆者依別教三賢
內九十信外凡故若圓教意十信內凡也此師上輩定
三賢故今擬大乘十信外凡中上品判小乘三賢外凡
位也中中中下七方便前凡夫得心故云已下 問若
定上中是外凡位外凡人何生已即得羅漢哉 答若
容時劫不同意欵若在娑婆極速三生可得羅漢然約
彼時云即得欵又此品人持戒清淨而利根故生彼聞
法即得羅漢如彼大超人又此品人雖外凡位依勝緣
速得羅漢例如今家中上凡夫生彼土依他力勝緣即
得羅漢云○群疑論筆者舉四師釋悟阿抄云第一淨
歎師亦龍興云力法師第二師未檢第三迦才師龍欵

云基法師是道基法也第四師未檢然同憬興所引論
 主釋彼云中品三生即解脫分善不以位分故上問
 若尔違前二乘有無章云今此聲聞在七方便前如何
 答彼在七方便釋是惣也此解脫分釋是別也七方
 便中前三即解脫分故或在此土解脫分善人生彼得
 七方便故無相違上此次良心解脫一字下而書之
 七方便者三賢四善根名七方便也○種解脫分者
 三賢位行五停心等隨順入聖解脫故名順解脫分
 今欵順字故三賢前為證果行一施一戒等名種解
 脫分善忍近初果位名解脫々々三途故
 前三解脫者此師意中上四善根中々三賢故云前三

中下七方便前凡位也○並是種等者於三賢前分中
 三品中上中々云由持戒得有淺深中下品云及不持
 戒是恐慮當和尚義趣欵○一定其人者下輩三人合
 為大乘始學人也○二辨其因者此有惣別釋惣如今
 所引別釋文云下上生者現犯輕罪善友為說大乘經
 名教誨彼佛滅罪故生下中生者現犯重罪善友為說
 彌陀功德歡喜信樂滅罪故生下々生者現犯四重五
 逆等罪善友教誨無量壽佛如是至心令聲不絕乃至
 十念滅罪故生上○三見佛異者文云佛具三身一者
 真身謂法與報二者應身八相現成三者化身隨時現
 起依如大經上品之人見佛應身而來迎接中品見佛

化下品夢觀不辨化應真身常寂無迎接相為是不論
依此觀經上輩又人皆見佛應化二身俱來迎接中輩
三人有見不見中上中々見應中下不見以行劣故下
輩三人有見不見下上下中見化下々不見化但見蓮
華問曰大經宣說上輩唯見其應中唯見化下唯夢觀
不弁應化此經何故宣說上輩應化俱見中見應不見
化釋言此經明修觀行由觀心明故上應化俱見中見
應下見化大經不明觀行為是不同比○四生時異者
文云下輩三人生時亦別下上生者經七々日其華乃
敷下中生者罪報深重六劫方闕下々生者罪障極重
十二大劫蓮華乃敷已○五生後益者如今引文○六

會經論者文云問大經說五逆不得往生此經宣說逆
罪得生其義如何釋有兩義等云於經論相違有三一
淨土論說二乘不生是經中輩說學小得生二淨土論
論女人不生是經韋提等往生大經五逆不生此經五
逆得生會初違云要由由終發菩提心乃得生故往生
論據終說二乘種不生此經就始說中輩學小得生問
若由由由終發菩提心至彼應證大乘道果何故得小
乘果哉釋曰先多學小先證小果終發大心於小不住
必還入大云會第二違云論女人不生者就彼為言生
彼國者淨報離欲故無女人若論此去但有善心一切
不簡上會第三違有二義一善趣位逆必懺悔令滅故

是經得生常沒造逆無是義故大經不生二大經明散善故不生是經明定善放生也文云散善力微不能滅除五逆重罪此經明觀所以說生比○此人過去等者此師得心兩經輩品一機始終致料簡昔發心人今造惡業故大經說過去發心此經偏說現在造惡雖造惡依善友開導生淨土也○歸向之力者依此經明淨土回有惣別惣有四一修觀往生十六觀也二修福往生三福也三修心往生三心也四歸向往生知識教令歸向今所引是也別者九品各各修因也○以此先世等者善趣十信名也十信人若不退不作惡但生善趣故也仁王經說中下品粟散王上鉄輪王也

此次良心解疑
一字下而書之

迺十小劫等者言善趣人生淨土已經三賢間迺十小劫到初地也 問上下品居初住經三小劫到初地故善趣人亦迺三小劫可到初地 何迺十劫乎 答彼師無釋若依利鈍有此別欬上輩利根障微薄故經三小劫下輩鈍根罪障重故送多劫歟例如十信到初住者延促之異○聞法種姓者言下輩人住居善趣華閩法初住發心云 已上良心
桑心種姓等者是師依持論十住各種姓生彼十住發心也知於娑婆十信云宿習大也○有上有下者十信人為上是人上位故雖造逆還可懺悔常後凡夫為下

善曰薄故不能發懺悔心卅王雖非十信於涅槃會懺悔滅罪為上人重悔也重悔者十信也造罪後懺悔生善心故云重也○此經明觀等者觀經中就定機五逆定善力強滅五逆罪故說生生大經中說散機五逆散善力微不滅逆罪故不說生也 問此師雖存十六定九品機為所觀境云他生觀何云觀力滅罪 答彼師實違經文若准請羣散定善正業三福助業也然九品機皆具足定散可往生依此意然道不遮定觀為所觀境也 此一問答與良心解不同一字下而書之 問此師釋三輩觀約能觀八名他生觀故所觀是散機何今判下々觀機自語相違乎 答推此師意下

九品心至十念會觀緣念有何妨乎具如前會云

已上良心

彼約作罪等者居大經指觀經云彼下三品屬十信前云不隨位分 問釋下三品或屬善趣或屬信前何不一准哉 答不顯了難屬故述邊々欵

此次良心解叙一字下而書之

似屬下輩等者言未願往生句若約共同一位似屬下輩若約者字亦有惣結九品之意云 已上良心

此五文中者所別文有五文謂第一第二第六及大經疏也觀經六門中第五第六門釋云五六二文也○第二門者言曾修大乘言似十生然不舉位故難定十信

也故云攝屬不明也又下輩三品諸師異解天台云下
品即是今時愆々凡夫上群疑論六云下三品人只由
遇緣造罪多少輕重不同分成下三品無別位地也上
○天台云筆者此師中品判十信故今愆々言當信前
流轉凡夫故可同和尚所判機分然彼師以觀法為滅
逆由故日觀釋云障者大本言唯除五逆誹謗正法故
須作觀比故異今家無觀称名滅逆義也况彼應身來
迎得生化土也今報身來迎得生報土也益物適異也
○無別位地者依過輕重成三品不分位上第門一意
也○雖似筆者未必然是不定言如下文云或讀不讀
故石不必舉諸師解屬不定故云似有許不許又云恐

慮古師也云云

觀經玄義分傳通記卷第四見聞末終

六十紙

享保十四配年十月十四日謹摺寫

活字絕板

三緣山袋谷方國

傳通記玄義分

卷第百四十一

終

